

ADASAMMA YIEDIE HO ANODISEM

NNIANIMU

Ɛsiane se adasamma ahunu se, yesusu onipa, bu no, di no ni a, ebema ahofadie, atentenenee ne asomdwoee ase atim wo wiase yi mu nti,

Ɛsiane se atuatee ne obuoa a woammu adasamma yiedie yi de anitan ne atirimuoden baee, na abehwanyane nnipa ahonim de asetena foforo aba, ama nnipa ani aba won ho so se wowa ho kwan se woka won adwene a ehu biara nni mu, na wowa ho kwan se woyi adwuma na enhia won, na esiane se wopae mu aka ato dwa se yei ne nnipa anidasoɔ titre nti,

Ɛsiane se, ense se eba no se obi de ahomtee beye nneyee bi a eye nneyee a etwa too koraa, a onii betumi afa so de ako atia anitan ne ahupoo, bere a mmara bo adasamma yiedie anodisem ho ban nti,

Ɛsiane se eho hia se nnamfofa ba aman ahodoɔ ntam nti,

Ɛsiane se Amanaman Nkabom Kuo mu nnipa asi won gyidie so dua wo Amammuo Nnyinasoɔ no mu, se onipa anim nyam ne boɔ a osom no nye adewa na obarima ne obaa nyinaa ye pe, na wawa ahinam so, se wobema asetena mu aye yie, na nnipa atumi atena ase se anuanom wo ahogono mu nti,

Ɛsiane se aman hodoɔ a wofra Amanaman Kuo no mu ate wo ho ase ahye bo se wone Amanaman Nkabom Kuo de anokoro behwe ama obiara adi anodisem no ni, ama obiara anya n'ahofadie ne ahotɔ sedee efata no nti,

Ɛsiane se ntease pa a yebɛnya no wo anodisem a efa onipa yiedie ne n'ahofadie ho bema yen bohwe yi adi mu nti,

ekuo no badwa kesee no

pae mu ka se:

Ani da kwan se:

Saa adasamma Yiedie Ho Anodisem a woada no adie yi beye susudia titire baako pe a, ewo ho ma nnipa ne amanaman nyinaa, na Okontekorɔ anaa fekuo ahodoɔ nyinaa bema adi won tirim dem, abo no dawuro akyerɛkyere asee yie pa ara, agye ato mu, adi so, na wode afa won ankasa aman ne aman foforo dwumadie nhyehyee ahodoɔ so ama ahyeta aman a wodom Amanaman Nkabom Kuo ne aman biara a ehye n'ase mu.

Ahyedee 1.

Nnipa nyinaa ye pe. Na wode adwene ne nyansa na abo obiara. Eno nti, ese se obiara do ne yonko, bu ne yonko, di ne yonko ni.

Ahyedee 2.

Yiedie ho anodisem mu asem yi wo ho ma obiara a nyiyimu biara nni mu. Emfa ho se obi ye tuntum anaa fufuo, obaa anaa obarima. Kasa a obi ka, asore a obi ko, amanyokuo ko a obi dom, dee obi fire, adwapadee a owo, n'awosuom ne dee ekeka ho nsi obiara kwan wo saa nhyehyee yi ho.

Dee eka ho ne se, ense se yeto oman biara a obi firi mu ho, se oman ko no di ne ho so anaa ehye oman foforo bi ase.

Ahyedee 3.

Obiara wo ho kwan se otena ase asomdwoee ne ahofadie mu a bone biara nka ne nipadua no.

Ahyedee 4.

Ense se obiara di obi nya. Nkoato ne nkoaton ye dwadie bi a ese se wotore aseɛ korakora.

Ahyedee 5.

Ense se obi fa ekwan bi so hye onipa dasani biara anieyaadeɛ. Anaa ofa atirimuoden kwan so twa obi asuo, gu n'anim aseɛ.

Ahyedee 6.

Se obiara kopue mmara anim wo baabiara a, ese se wogye no to mu se onipa.

Ahyedee 7.

Nnipa nyinaa ye pe wo mmara anim. Mmara bo nnipa nyinaa ho ban pe a nyiyimu biara nni mu. Mmara mu dee, yenhwe obiara anim.

Ahyedee 8.

Se obi bu mmara yi bi so tia ofoforo a, owo ho kwan se ode no fa mmara kwan so ne no di sedee mmara see.

Ahyedee 9.

Ense se wokyerɛ obiara kyehunu. Ense se wokyerɛ obiara sie anaa wotwa obi asuo kwa.

Ahyedee 10.

Se wobo obi kwaadu wo biribi ho na wode onii ko asenniie a, ese se won a wobedi asem no bu atentenenee, bere a wonkyea won aso. Ese se asennifoɔ no ye nnipa a won ho nni asem no mu koraa.

Ahyedee 11.

Se wode so to obi so, nam so kye no, na wontumi mfeefee asem no mu, nhunu nokore a ewo mu a, yefa no se onii no nyee saa bone no, gye se wonam mmara kwan so, ko asem no mu, hunu se odi fo. Se wode no ko asenniie mpo koraa a, owo ho kwan se ohwehwe mmoa biara a obetumi anya de atete ne ho akyiri kwan.

Obiara nni ho kwan se ogyina amammara anaa amanaman mmara so de asotwe a emfata ma obi wo bone bi a onii yee bere a na saa mmara no nni ho ho. Na se ekoba no se na asotwe bi wo ho ansa na asotwe foforo a emu ye den sene dada no reba a, ese se asotwe a onii yee saa bone no na ewo ho dada no ara na wode twe no.

Ahyedee 12.

Ense se obi fa ekwammone so de ne ho hyehye obi kokoamsem, n'afisem anaa n'abusuasem mu. Ense se obi gu obi din ho fi. Mmmara bo onipa biara ho ban sedee ebeye a, biribiara ntumi nsi ne yiedie ho kwan.

Ahyedee 13.

Obiara wo ho kwan se otumi ko baabiara, tumi tena baabiara wo oman biara mu.

Obiara wo ho kwan se otumi tu firi oman biara mu a ne man ka ho, sane ba ne man mu bio.

Ahyedee 14.

Se obi manfoɔ reteetee no ape no atore n'ase a, eye n'asedee se odwane ko dwankɔbea bi wo oman foforo bi mu kobo ne ho adwaa wo ho.

Se obi ye bone a emfa amanyɔ ho anaa entia Amanaman Nkabom Kuo nhyehyee a, enye onii no asedee se saa mmara yi bo ne ho ban firi saa bone no ho.

Ahyedee 15.

Eye obiara asedee se otumi ko oman foforo bi mu kodane honi.

Obiara ntumi mmọ ne tirim, mfa asisie kwan so nsakra obi nkyi. Se obi pe se ọsakra ne nkyi nso a, eye n'asẹdee se ọsakra bere a akwansidee biara nni mu.

Ahyedee 16.

Eye mmarima ne mmaa a wọanyinyini, aso awadee asẹdee, se wọware wowo mma, bere a wọn nipasuo, wọn nkyi ne wọn nyamesom nsi wọn kwan wọ wọn awadee anaa awaregyaee ho.

Se awaree no besọ a, gye se awarefoọ baanu no apene so, agye ato wọn ho so se wọbeware.

Fidua a eye agya, ena ne mma no nnyinasoọ no ye abusuabo nnyinasoọ mfitasee, na eye fidua no asẹdee se ọmanfoọ bọ wọn ho ban.

Ahyedee 17.

Eye obiara asẹdee se ọpe ọno ara n'agypadee. Ọtumi nso ne afoforọ bom ne wọn pe agypadee.

Ense se wode ahupoo anaa nneyee a ennam mmara kwan soọ gye obi agypadee firi ne nsam kwa.

Ahyedee 18.

Eye onipa biara asẹdee se ọdi n'ankasa tirim, dwene n'adwene, kọ asore biara a ọpe. Saa tumi yi ma kwan ma obi tumi sesa n'asore ne ne gyidie wọ badwam anaa kokoam a akwansidee biara mma mu, na emfa ho nso se woye nnipa bebre e anaa ọye ọkontekoro.

Ahyedee 19.

Eye onipa biara asẹdee se ọtumi ka n'adwene wọ biribiri ho bere a akwansidee biara nni mu. Afei obiara nso tumi fo ọkwan biara so bọ biribi ho dawuro de kyere n'adwene anaa ọtumi hwehwe nya biribi ho adwene a emfa ho se ọye ọman ba anaa ọnana.

Ahyedee 20.

Eye obiara asẹdee se ọdom asomdwoee kuo bi. Ekwan nso da ho se nnipa bi tumi bom hyia a enye bone so.

Ense se obiara hye obiara ma ọdom kuo bi a ọmpe.

Ahyedee 21.

Eye onipa biara asẹdee se worebu ne man anaa woreka mu asem a, ọka bie. Onii no tumi kọ mu tee anaa ọtumi fa abatoọ a emu da ho kwan so ka bi.

Onipa biara wọ ho kwan se biribiara a ne man mu aban beyo no, ọnya ne so ne dee pereere.

Dee ọmanfoọ pe na ese se wọn aban yo. Wọnam abatoọ a dwinim biara nni mu, na obi nhunu ne yonko abatoọ mu, na obiara a wadi mfee dunwotwe biara to bie so na ededi saa dwuma yi.

Ahyedee 22.

Eye ọman biara asẹdee se ebo ọman ba biara ho ban. Ese se enam ọman no ahoođen anaa nkabom bi a saa ọman no ne ọman foforo bi ayo so ma ọman ba biara nya anigye, di yie sẹdee ọman ko no sikasem, nnobaee ne amammere a etumi ma onipa di mu no tee.

Ahyedee 23.

Eye onipa biara asẹdee se ọye adwuma. Adwuma biara a obiara pe se ọye no nso, ense se akwansidee biara ba ho. Ense se mmara no bọ adwumayofọ ho ban firi adiyie mu, na ehwe ma wonya ahoto wọ wọn nnwuma mu.

Dwuma koro a obi bedie no so akatua a efata na ese se wotua no a nyiyimu biara nni mu.

Eye onipa biara asẹdee se ọye adwuma biara a ọpe, nya ne so ne n'akatua a ebetumi ama ọne ne hokafoọ ne ne mma atena ase anigye mu, se nnipa, na se eyere so koraa a, aban boa no kwan bi so de bọ ne ho ban firi ahokyere bi mu.

Eye onipa biara asẹdee se ọte anaa ọdom adwumayefo kuo de bọ n'adwuma anaa n'ankasa ho ban.

Ahyedee 24.

Eye onipa biara asẹdee se ọye adwuma bi a, ọnya kwan gye n'ahome, na ọtumi ye adwuma nso kosi bere bi. Eto da a, woma onii no kwan ma ọdi afoofi a wotua no ka.

Ahyedee 25.

Eye onipa biara asẹdee se ọno, ne hokafoọ ne ne mma a eye fidua no nya ahoto wọ wọn asetena mu. Nnooma a ede ahoto bre abusua anaa fidua no ne aduane, aduradee, adan, ayarehwe ne onipa asetenam ahiadee nyinaa, na mpo se ekoba no se obi adwuma see anaa ọdi dem, anaa ọdi kuna, anaa onyini ma no guro, anaa biribiara a ede ọhaw beba n'asetena mu a enye ne mfomsọ no, eye n'asẹdee se ọnya asetena pa a efata.

Ese se woma mmaatan, ne titire no, wọn a woturu mma ne mmofra nyinaa nyia mmoa sononko. Abofra a wọnam aware pa kwan so woo no ne sebe, mpena ba nyinaa ye mmofra a wohia hwe pa a nyiyimu biara nni mu.

Ahyedee 26.

Eye onipa biara asẹdee se ọko sukuu kosua nwoma. Mofraberem nwomasua no ye adesua ahyesee a enni se wotua ho sika koraa. Eye nhye se abofra biara beko mfitasee sukuu no bi. Ese se wobuebue mfidridwuma ne nsanodwuma bebre, na se obi tiri di boa no a, wakotoa so wọ suapon bi mu, bere a nyiyimu biara nni mu.

Adesua ho mfaso titire ara ne se onipa besua adee anya mpontuo wọ n'asetena mu, ahunu n'asẹdee, na wate n'ahofadie ase yie. Eba no saa a, ebema nteasee, abodwokyere, ne nnamfofa abeda aman ne aman, awosuo nu nyamesom mu gyidie ahodoọ nyinaa ntam, na aboa ama botaee a Amanaman Nkabom Kuo de asi n'ani so pe se asomdwoee ba wiase afanan nyinaa no adi mu.

Eye awofo nyinaa asẹdee a edi kan koraa se wokyere adesua koro a wope se wọn mma nya no daakye.

Ahyedee 27.

Eye onipa biara asẹdee se oma n'ani gye n'amammere ho, na ode ne ho hyehye emu dwumadie nyinaa mu, na ọnya mfaso a efiri Abodeemunyansape mu ba nso.

Eye onipa biara a ode n'ankasa adwene atwere anaa aye biribi de ne din ato soọ no asẹdee se ọman no hwe bọ ho ban ma no na ne bre anye kwa.

Ahyedee 28.

Eye onipa biara asẹdee se ode anigye ne ahosepe tena ase asomdwoee mu wọ ne man anaa ọman foforo mu, sẹdee ebeye na dee wọapae mu aka no Amanaman Nkabom Kuo Anodisem mu no bedi mu.

Ahyedee 29.

Eye onipa biara asẹdee se ode n'ahooden ne ne nyansa boa ma faako a otee tumpon, efiri se eho na ama waye sẹdee otee yi.

Ewom se, ese se onipa biara di ne ho so, ye dee ebema ne ho ato no dee, nanso sẹdee ebeye a, obi nnya anigyetraso a ede ọhaw bema n'afefo no nti, ese se onipa biara di ne man anaa fekuo a ofra mu mmara so, na ama ọdodoọ amammuo asetena abo onipa yiedie ho ban.

Ense se obi toto saa asẹdee ne ahofadie ho nhyehye ahodoọ yi ase ma ne nneyee ne Amanaman Nkabom Kuo apedee no bọ abira kwan biara so.

Ahyedee 30

Wọanhwe ọman anaa nnipakuo bi ho na eyee saa Anodisem yi. Ne saa nti, enni se obi begyina Anodisem yi so, aye biribi ama atia adwempa a efa onipa asẹdee ne n'ahofadie a Amanaman Nkabom Kuo nya de yee saa anodisem no.